

## Allannguutissatut siunnersuut

uunga

**Siunnersuut uunga: Qaffasinnerusumik ilinniartitaanerit pillugit Inatsisartut inatsisaat nr. xx, xx. xxx 2018-imeersoq**

Pingajussaaneerneqarnissaanut Naalakkersuisunit saqqummiunneqartoq.

## § 5-imut

1. § 5, *imm.* 2, ilaajunnaarpoq.

## § 11-mut

2. § 11, *Imm.* 1, imatut oqaasertalerneqarpoq:

”Bacheloritut ilinniagaq tassaavoq ilisimatusarnermik tunngaveqartumik piffissaq tamaat ilinniagaq minnerpaamik 180 ECTS-pointinik naleqartoq, ilinniakkatut immikkoortut, naammassisassatut ingerlanneqartoq. Ilinniartitaaneq ilinniartitaanerit pillugit ilinniakkat aaqqissugaaneri atorfinissutaasinnaasumik bacheloritut ilinniarnertut taaneqarsinnaavoq, ilinniartitaaneq atorfinissutaasinnaasumi aalajangersimasumi atorfininnissamik siunnerfeqarpat.”

## § 17-imut

3. § 17, *imm.* 1, *oqaaseqatigiit aappaat* imatut oqaasertalerneqarpoq:

”Ilinniakkat aaqqissugaaneri aamma kingusinnerusukkut taakkunani allannguutit annertunerusut Naalakkersuisuni tusarniaassutigineqassasut, taakku ilinniarfeqarfimmit aalajangersarneqarnissaat sioqqullugu.”

## § 36-mut

4. § 36 imatut oqaasertalerneqarpoq:

” § 36. Bacheloritut ilinniartut, tak. § 12, *imm.* 1, ilinniarnerp ingleranerani ilinniarnermittut atatillugu Kalaallit Nunaata avataani ilinniassapput, taamaattoq tak. *imm.* 2 aamma § 41, *imm.* 1. Ilinniarnermut atatillugu nunami allamiinneq ima aaqqissuunneqarsinnaavoq:

1) semesteritut ilivitsutut,

- 2) ilinniartitsissutini ataasiakkaani imaluunniit
- 3) piffissaq sungiusarluni suliffik ataaseq amerlanerilluunniit.

*Imm. 2.* Imm. 1-imi, oqaaseqatigiinni siullerni piumasaqaataasoq kandidatinnorgniarluni ilinniartumut atuutissanngilaq bacheloritut ilinniartitaanermini pinngitsoorani nunap avataani ilinniagaqarsimanissamik kandidatitut ilinniarnissamik piumasaqaateqarfiusumi.

*Imm. 3.* Ilinniakkamut atatillugu nunami allamiinneq pillugu malittarisassat ilinniakkap pineqartup aaqqissugaanerani aalajangersarneqassapput.

*Imm. 4.* Inatsisartut inatsisaat manna naapertorlugu qaffasinnerusumik ilinniakkanut allanut, ilinniarsiit ilinniarnermut atatillugu pinngitsoorani nunami allamiittarneq, tak. imm. 1, pillugu malittarisassanik aalajangersaasinnaapput, taamaattoq tak. § 41, imm. 2. Malittarisassat ilinniakkap pineqartup aaqqissugaanerani ersissapput.

*Imm. 5.* Ilinniarsiit qinnuteqareernerikkut imm. 1-imi aamma malittarisassanik imm. 4 naapertorlugu aalajangersarneqartunik saneqqutsisinnaapput, pissutsit immikkut ittut tamanna pisariaqartippassuk, tamatumunnga ilanngullugit ilaqutariinni pissutsit, peqqissutsimut tunngasumik pissutsit, ilinniarnermut tunngatillugu pissutsit, ilinniagaqarluni nunanit tamanit misilittagaqarneq assigisaaluunniit.

*Imm. 6.* Ilinniartut imm. 5 naapertorlugu immikkut akuerineqartut, ilinniarnep ingerlanissaanik allamik neqeroorfigineqassapput.”

**5. § 41** imatut oqaasertalerneqarpoq:

” **§ 41.** § 36, imm. 1 naapertorlugu nunami allamiinneq pillugu malittarisassat atuutinnigillat ilinniartunut Inatsisartut inatsisaata atuutilernerata nalaani bacheloritut ilinniakkamik aallartitsisimasunut imaluunniit 1. august 2021 sioqqullugu bacheloritut ilinniakkamik aallartitsisunut.

*Imm. 2.* Qaffasinnerusumik ilinniakkanut allanut tunngatillugu pinngitsoorani ilinniarluni nunami allamiinnissaq pillugu malittarisassat, tak. § 36, imm. 4, taamaallaat atuutissapput ilinniartunut, ilinniakkani 1. august 2021-mi kingusinnerusukkulluunniit aallartittuni ilinniartuusunut.”

Allannguutissatut siunnersuummut nassuiaatit

### **Nassuiaatit nalinginnaasut**

Siunnersuut uunga Qaffasinnerusumik ilinniartitaanerit pillugit Inatsisartut inatsisaat nr. xx, xx, xxx 2018-imeersoq ulloq 8. oktober 2018-imi siullermeerneqarpoq. Siunnersuut Kultupeqarnermut, Ilinniartitaanerimut, Ilisimatusarnermut Ilageeqarnermullu Ataatsimiititaliami suliasanngorlugu nassiunneqarpoq, taannalu aappasaaneerinninnissamut isumaliutissiisummik tunniussilluni. Isumaliutissiisummi allannguutissatut siunnersuutit Naalakkersuisunit ilalerneqarpata ataatsimiititaliap isumaqatigiittup siunnersuuttip akuersissutigineqarnissaa inassutigaa.

Allannguutissatut siunnersuutip matuma saqqummiunneqarnerani ataatsimiititaliap allannguutissatut siunnersuutai Naalakkersuisunit ilalerneqarput.

### **Allannguutissatut siunnersuummi aalajangersakkanut ataasiakkaanut nassuiaatit**

#### Nr. 1-imut

Aalajangersagaq atorunnaarpoq.

Ilinniartitsissutini ataasiakkaani aamma ilinniartitsissutitut aalajangersimasunut tunngatillugu pikkorissarnernut peqataanermi, ilinniartinneqarnermut akiliuteqartoqarnissaa ilinniarfiit piumasarisinnaagaat siunnersuummi immikkut takuneqarsinnaajunnaarpoq. Taamaattorli Iisimatusarfik aamma qitiusumik ilinniarfiit, tak. inatsisit atuuttut, isertitaqarfiusumik ingerlataqarnissamut inatsisitigut tunngavissaqarput, taamaattumik tamatumunnga periarfissaqarluni, soorlu manna tikillugu taamaattoqarsimasoq.

#### Nr. 2-mut

Aalajangersakkamut ilanngussisoqarpoq ilinniartitaaneq ilinniartitaanerit pillugit ilinniakkat aaqqissugaaneri atorfinissutaasinnaasumik bacheloritut ilinniarnertut taaneqarsinnaavoq, ilinniartitaaneq atorfinissutaasinnaasumi aalajangersimasumi atorfininnissamik siunnerfeqarpat. Taaguut eqqarsaatigineqarpoq ilinniarfeqarfiit maannakkut taaguummik atuineranni atorneqassasoq. Ilinniartitaanernut taaguummik atuiffiusunut ilisarnaataavoq sulineranut sammisuuneri amerlanertigullu 180 ECTS-pointinik amerlanerusunik naleqartuusarlutik.

Malittarisassat bacheloritut ilinniartitaaneq pillugu Inatsisartut inatsisaanni allatorneqarsimasut tamarmik aamma ”atorfinissutaasinnaasumik bacheloritut ilinniarnernut” atuutissapput, ilinniarfeqarfiup taaguutip taassuma atornissaa toqqarsimappagu.

#### Nr. 3-mut

Aalajangersagaq imatut allanngortinneqarpoq ilinniakkat aaqqissugaaneri aamma kingusinnerusukkut taakkunani allannguutit annertunerusut Naalakkersuisunit akuersissutigineqartussaanatik. Taarsiullugu ilinniakkat aaqqissugaaneri aamma kingusinnerusukkut taakkunani allannguutit, ilinniakkat aaqqissugaaneri aamma kingusinnerusukkut taakkunani allannguutit aalajangersarneqarnissaat sioqqullugu Naalakkersuisunut tusarniutigineqarnissaannik pisussaaffik ikkunneqarpoq.

Piviusumik naalakkersuisoqarfik akisussaasoq tusarniarneqassaaq.

Taamaaliornikkut naalackersuisoqarfiup ilinniartitaanernik ingerlataqarfinnik tamanik malinnaasup tusarniarneqarnissaa qulakkeerneqassaaq, ilinniartitaanikkullu aaqquissuussinerit ataqatigiinnerisa qulakkeerneqarnissaanut siunnersuuteqarnissamut naalackersuisoqarfik periarfissaqassalluni, qaffasinnerusumik ilinniagaqarsimallutik naammassillutik ilinniarsimasut sapinngisamik pitsaanerpaanik piginnaasaqarlutik naammassisinnaallutik.

#### Nr. 4-mut

Aalajangersakkami imm. 1 allangortinneqarpoq nunap avataani pinngitsoorani ilinniarfimiinnissat bacheloritut ilinniarfimiinnatik, akerlianillu kandidatitut ilinniarfinniillutik.

Aammattaaq imm. 2-mik nutaamik ikkussisoqarpoq, tassani takuneqarsinnaalluni nunap avataani kandidatitut ilinniartitaanermi ilinniarsimanissaq pisariaqanngitsoq kandidatitut ilinniartitaanermi tiguneqarnissamut piumasarineqarpat bacheloritut ilinniartitaanermi pinngitsoorani ilinniagaqarsimanissaq. Taamaaliortoqarpoq ilinniagaqartut ilinniarnermi nalaanni nunap avataani arlaleriarlutik ilinniariartornissamut pisussaaffeqannginnissaat qulakkeerniarlugu.

Imm. 2-p nutaap ikkunneqarnerata malitsigisaanik aalajangersakkami immikkoortut sinneri appartinneqarput.

#### Nr. 5-imut

Nunap avataani pinngitsoorani ilinniarnissaq pillugu § 36, imm. 1-imi piumasaqaatip allangortinneqarnerata malitsigisaanik ikaarsaariarnermi aalajangersagaq aamma allangortinneqarpoq. Tassannga maannakkut takuneqarsinnaavoq kandidatitut ilinniartitaanerit pineqartut bacheloritut ilinniartitaanerit pineqarnatik.